

Verslag bijeenkomst Streektaolambassadeurs 26 oktober 2021

Anwezig: Renate Snoeiing, Arja Olthof, Hennie Enting, Amber Tieck, Jan Germs, Tea Nijhuis, Leny Hamminga, Geert Woldman, Jan Hartlief, Annemiek Drenth, Bertus Mos

Ofwezig: Henk van Tellingen, Aaltje Leusink, Ans Klok, Yvonne Bijl, Eduard Annen

1) Lösdoen

De agenda was op de mail zet. Een aantal was ofwezig, dat hadden ze weten laoten.

2) Veurstellen vervangers van Arja

Arja is der nou bij, maar ze is der niet. Arja is sinds veurige week met verlof, ze wordt tiedelijk vervangen deur Jan en Amber. Iederiene kent Jan nog, Amber stelt zuch kört veur.

3) Inkomen en anheurd

Emko is uut de running en hef besleuten niet an te blieden as veurzitter. Een neie veur de rol van veurzitter is vunden in Roel Barkhof. Hij hef bij kraanten in het noorden warkt, maar ok bij RTV Drenthe. Hij döt veul in het Nedersaksisch gebied - ok an de aandere kaant van de gruppe - vanuut zien communicatiebureau. Hij hef een groot netwerk in het Nedersaksisch taolgebied dat e met zuch metbringt.

Emko hef intussen ok een neie knei, is bezig met herstel.

We hebben ok een aander nei bestuurslid erbij kregen, Marchien Brons. Zij is veurmalig directeur van de bibliotheek in Emmen, met een mooi netwerk in de culturele wereld. Dat is mooie bagage veur ons, binnen we slim wies met.

4) Waw vanuut Beilen daon hebben sinds 30 juni

- a. Warkgroep kerkdiensten hef weer bij mekaor west.
- b. Anne Doornbos hef een nei boek uutbracht en een signeersessie daon in Assen samen met Johan Veenstra (hef ok een thriller uutbracht).
- c. Het cursuswark is ok weer begund, der binnen best wat anmeldingen. Der binnen in elk geval 4 cursussen die as van start gaon. Veur Dieper deur Drenthe is er een nei cursusboek daw veur het eerst gebruiken gaon.
- d. Taal an Taofel is weer begund. In Slien waren 65 man, zat goed vol en was een groot succes. In Dwingel was het wat minder drok.
- e. An het Warkplan & begroting 2022 is hard warkt, die is vanmiddag anleverd bij de provencie. Die wordt op de mail zet, zodat de streektaolambassadeurs ok weten hoe en wat.
- f. Arja hef gastcolleges geven op de PABO in Emmen.
- g. De Wiesneus is volop in veurbereiding, het thema dit jaor is "Dreumen".
- h. Renate en Arja binnen naor de SND Conferentie Streektaol op de warkvloer west. Sommige dingen waren niet nei, maar het was mooi um nao te denken over wat er meugelijk is.

- i. 1^e lezing van 2021 is in september geven, het was schier weer fysiek te vertellen over het Drents. Hopelijk kommen er meer aanvragen oeze kant op. Veur ambassadeurs binnen er hier en daor ok al wat aanvragen west.
- j. De Dikke week van de Nedersaksische schrieverij is van 8 t/m 14 november. Daorin zit de boekprissentaotsie van Tieme Woldman. Er wordt samenwarkt met aandere streektaolorganisaties. Ok op Facebook zörgen wij derveur dat veul schrievers veurbij kommen dizze week.
- k. De Affaire van Tieme Woldman: persbericht was vandage. 12 november wordt het boek in Assen prissenteeerd. De politieke kaant van het boek lek wel wat reactie uut te lokken.
- l. Koken met Keen komp eind november uut.
- m. Drentse plaotsnaomborden worden verkocht in de webshop. Leuk um te weten: de eerste 2 waren veur Paais. Ze kunnen maakt worden veur elke plaotsnaom die aj willen.
- n. Slok uut je eigen Drentse mok: er mussen neie mokken kommen, dus hebben we an het publiek vraogd een mooie tekst te bedenken. Er binnen nou al over de 130 inzendingen.
- o. Prissentaotsie Macbeth in Drenthe in de uitvoering Woeste Gronden is ok west.
- p. Vrijwilligersmiddag Koester Drenthe: in samenwerking met aandere organisaties is dit organiseerd um te kieken of we vrijwilligers van verschillende disciplines met mekaor in contact bringen kunnen. Uteindelijk was der tussen de 50 en 60 man, het was een schiere middag.
Volgens Geert waren een aantal vrijwilligers vanuut hier niet hielemaol tevreden. Renate gef an dat er een enquête uutstuurd is, dus hoopt dat ze die dan invullen giet – dan kunnen we er hopelijk wat met. Niet iederiene kun de workshop doen die as heur veurkeur had, misschien hef dat der wat met te maken.

Dat bringt Renate op *de neie vrijwilliger*; der hef een prissentaotsie west van Pieter Rozema, met een neie visie op vrijwilligers en hoe aj die kriegen kunnen. Vrogger was de samenleving verzuild en deden mensen um die reden met heur omgeving vrijwilligerswark. Nou verzuiling weg is, is die druk van de omgeving wegvallen en is men aandere redenen veur vrijwilligerswark neudig. Dat hef meer met gevuul te maken. Waorum wil iene vrijwilligerswark doen? Redenen binnen bijvoorbeeld carrière, sociaal, verrieking, bescharmung of plezier. Flexibilitet is hierin slim belangriek. Daorum kunnen we het misschien anders anpakken; het vrijwilligerswark möt behapbaar worden. We kunnen daorveur projectspecifieker zuken: iemand veur een wandeling, iemand veur de streektaolstried, körtum: specifieker. As der een vrijwilligersmiddag komp, giet Renate kieken of Pieter Rozema hierover iets meer vertellen kan.

5) Kört rondtie langs de velden

Thea:

We hebben de Drentse kerkdienst had. Anne Doornbos en Thea hebben dat samen met de dominee organiseerd, maar die is overspannen. Eerst hebben ze dat ofwacht. Anne hef vraogd of Hans Katerberg kun, maar die naam zeg mèensen in Paais niet zo veule. Volgend jaor in oktober weer iene.

Eerste bijienkomst van de vrijwilligers is ok west. Der waren maar een klein beetie anwezig,

veul ofzeggingen. We zitten met veurlezen; we kunnen gien mèensen vinden die of dat in Roon organiseren willen. Hoe doen aandere gemientes dat, zoas Emmen?

Annemiek: Ok daor binnen veul schoelen, maar steeds minder veurlezers. Toch lukt het wel nog.

Vrijwilligers binnen sowieso stoer um te vinden, ok vanwege corona blieven veul mèensen binnen en binnen lastiger te overtugen.

Renate: we moeten zörren daw veur de meertmaond veurlezers verzameln. Misschien blieven daoruut wel vrijwilligers hangen. Wij gaon hier wark van maken.

Geert:

Wij binnen in september ok weer bij mekaor west. Veur de zommervekaansie binnen 3 vrijwilligers bij ons stopt. We hadden binnen de körtste keren vervanging. Er staon nog een paar op de nominatie um ok te stoppen. Bij ons is Smilde het probleemgebied. We hebben nog een neie warvingscampagne daon, maar het lek een algemien probleem vrijwilligers te vinden. Veurlezers binnen bij ons gien probleem.

In Börk is 'Kuiern met verhalen' (lek op de wandelingen met veurdrachten die in meerdere gemienten organiseerd worden) onwies populair, dat gaon wij ok proberen te doen. Het is een vaste groep mèensen die deur een gids metneumen worden naor plekken, waar je dan stoppen en iene dan iets vertelt of veurleest. Dat wordt nou veurbereid deur een groepie vrijwilligers. We binnen ok begund met veurlezen in bejaordenhuzen.

Streektaolstried bew ok met bezig.

Thea: dat willen we ok in Noordenveld opstarten.

Annemiek:

Wij kommen morgen weer bij mekaor. Kieken waw weer opstarten willen, waarschijnlijk dit jaor niks meer. Er komp een neie vrijwilliger bij. Morgen wordt Annemiek beëdigd.

Bertus:

Bij ons hetzölfde probleem: te weinig vrijwilligers. Wij kommen morgen bij mekaor met 3, hopelijk 4. Dat is krap. We hebben het verdeeld in olde gemienten, maar we kunnen uut Zuudwolde niks kriegen. We hebben alle mèensen vanuut het netwerk al probeerd in touw te zetten, maar we kunnen gieniene vinden. We hebben gien probleem wat veurlezers angiet, en veur volgend jaor hebben we een cabaretaovend vastlegd in samenwerking met de Karstenhoeve. Der lopen 2 cursussen, die gaow mandielig ofsluten met een veurlezer (Frans Westenbrink) derbij. Morgen möt we dus maar evenpies verder kieken, maar der is nog leven.

Jan:

Wij binnen veur 2 weken bij mekaor west. Er hebben zuch 2 neie vrijwilligers anmeld. We hebben al wat dingen daon. Ok binnen ze uutneudigd veur de cultuurnota en daorhen west. Zo is een neie vrijwilliger vunden. Wij hebben 21 jannewari een streektaolstried op 't Nieveen. Wij hebben ontzettend veul veurlezers, tegen de 50, dus dat giet mooi. We hebben ok een nei plan, lek op Kuiern (zie Geert). In april willen we een familiewandeltocht doen, met opdrachten onderweg veur de kinder en zukswat.

Hennie:

Wij hebben die wandeling al daon. Het was gien schier weer, maar het was desondanks succesvol, amper ofzeggingen. Wij hebben al keken veur gezinnen met kinder, maar die

hadden zich niet aanmeld. Wij hadden onderweg diverse dingen. Twee vrijwilligers hadden er veel te doen, iene had al ervaring met dit soort routes en de ander was geschiedenisleraar west. Het was een succes, er was 33 man.

Twee van onze vrijwilligers willen stoppen, maar der is al iene in de wachtlijst. 31 oktober komt er een soort lichiesavond, tweetaalig. In januari komt der een nieuwe vrijwilliger bij. We willen 8 houden, ongeveer. We hebben contact had met de VVV in Assen of ze spul van het Huus willen verkopen. We hebben in principe genoeg voorlezers, maar we zoeken nog wel meer naar voorlezers daarbij, misschien ook wat namen die opvallen. Wij willen nog wat doen a.d.h.v. workshop veldnamen, gaan we nog voor zitten.

Lenny:

Streektaolstried is vastgelegd. Ok gaan we weer wandelen.

Ofwezig, maar via de mail binnenkregen:

Yvonne:

Wij zullen een paar weken leden bij elkaar komen, nu wordt het volgende week. Wij hebben nog niets concreets.

Ans:

Komende zaterdag is de Nacht van de Nacht in Dwingel, staat 14 vrijwilligers, ook een aantal van buiten mijn eigen groep. We hebben al voorlezers verdeeld voor meer en Taal en Tafel graag prima.

Henk:

Als het goed is, geef Henk zaterdag aan de burgemeester van Coevorden een broescursus Drents hier in het Huus. Ok hef Henk metdaan aan Woeste Gronden.

Overigens houden we nieuwe burgemeesters in de gaten voor het geven van broescursussen.

Lenny:

Streektaolstried is vastgelegd. Ok gaan we weer wandelen.

6) Boestboom – Lenny

Lenny:

Wij kwamen in de zomer bij elkaar, omdat een vrijwilliger met een idee kwam dat wij vervolgens organiseerd hebben. We hebben dit doen op scholen in Vries en Zeyen. Ze vonden het mooi, zo'n eenmalig iets, maar ze wilden een vervolg. Er was budget op school, vanwege coronageld. We hebben dus een cultureel programma opzet voor die scholen, in de vorm van een boom met koffertjes eraan. Alle koffertjes staan voor een kunstonderdeel. Wij hebben 5 uitgekozen (Zeyen school wil wel pilot school wezen). Wij hebben ze aangeboden 5 weken te vullen. Iedere week was tenminste 1 vrijwilliger verantwoordelijk. Voor dit project stonden ze te trappelen – het gaf hen een boost (vandaar 'boest'boom). Toen er eenmaal een plan was voor de 5 middagen, wil iedereen dat wel doen en voorlezen. In de vrijwilligersgroep bracht het ook een boost. Op de scholen zelf was het ook een succes. Het is een format dat zo uitrold worden kan op andere scholen, en is

duk ok veur de ambassadeurs interessant um naor te kieken. Het is goed veur de banden met de schoelen en een speelse manier um Drents bij de kinder te bringen. Ze binnen ok op een excursie west. Het kun allemaol betaald worden van coronagelden. Op het papier van de boestboom staon ideeën die passen bij Zeyen. Die kunnen op maot maakt worden per plaots. Het is handig um het as ambassadeur an te sturen, dan hol je de band met de schoele.

Niet het hiele programma is in de streektaol; zo was de kunstenaar niet Drentstaolig, maar vreug de kinder um iets te doen met een Drents woord. Je kunnen misschien niet verwachten dat kinder Drents praoten gaon as ze het in huus niet heuren, maar het zul toch mooi weden um ze neisgierig te maken en dat ze dan soms wel eens een Drents woord gebruiken gaon. Um dit programma wat brieder uut te rollen, is het handig um contact op te nemen met culturele coördinatoren van de schoelen. De kracht zit hum in het simpel, klein en plaotselijk holden. Dan zulden ze dit anders niet gauw in een menu van cultureel aanbod tegen kunnen kommen.

Renate: misschien kunnen wij de schoelen nao het veurlezen een mail sturen met 'smaakt dit nou naor meer...'. Arja voegt toe dat dit goed binnen het subsidieprogramma van Compenta past. Aj op die manier een concreet programma opzetten kunnen, kuw der iets hiel moois van maken.

7) 15 jaor Huus van de Taol + Meertmaond

Volgend jaor is het 15-jaorig bestaon van het Huus. De meertmaond komp der wieder an. We kieken waw organiseren kunnen (lös huus, etc.). We verdubbeln de meertmaond (dat hef met RTV Drenthe te maken). Wiesneus, veurlezen en Loos zitten erin. Er komp een neie serie van de podcast die over meert en april uutzonden wordt. Er binnen een aantal streektaolstrieden in meert (Geert, Leny). Er binnen meer gemeenten waar dit misschien kan (bijv. Emmen, misschien met de neie vrijwilliger, of Hoozevee).

Leny: Hebben we het veurig jaor niet over een provinciale streektaolstried had?

Renate: Ja. De finale zul dan provinciaal weden – bijvoorbeeld in april. Hier gaon wij naor kieken.

Geert: En een streektaolstried met oeze clubs!

Dit röp veul enthousiasme op. Komp Renate op terug.

Mail van Bert of de ambassadeurs de mailadressen van de tenielverenigingen willen inventariseren. Er komp veul terug dat niet leverd worden kan. Graag naor Bert sturen.

8) Nedersaksisch neis

- a. Leerlijn Nedersaksisch: waar Bökkers an begund is in 2019. Dit is nooit ofmaakt. Wij hebben nou zegd dat wij dat doen willen met mekaor. Wij willen de leerlijn professioneel uutrollen over het hele gebied. We gaon dat geld anvroagen bij alle previncies (niet apart). We hebben iene die specialiseerd is in dit soort projecten.
- b. 5-14 november is de Dikke Week van de Nedersaksische Schrieveerij
- c. 5 november Bi-jpraoten (ECAL), een middag à la de Wereld Draait Door
- d. 7 november Nedersaksisch Roet Café (HvdT)

- e. 12 november Prissentatsie De Affaire van Tieme Woldman (HvdT)
 - f. 14 november Taal an Taofel Dwingel (HvdT)
 - g. 18 november Symposium Erkende Talen (Ministerie BZK)
 - h. 19 november Werkkonferentie Nedersaksisch (Nedersaksische overheden)
- Veur de Warkkonferentie Nedersaksisch (19 nov) kunnen de ambassadeurs zuch ok anmelden. Het hef best een interessant programma, in navolging op het Convenant Nedersaksisch. Andacht veur projecten zie zuch richten op projecten veur jongern, en nei gebruik van het Nedersaksisch.

9) Rondvraag

Jan:

Ik krieg een veul mails van het HvdT waarvan ik twiefel of ik ze deursturen moet naor vrijwilligers.

Renate: wij geven in het vervolg dudelijkere instructies derbij.

NB achterof: persberichten sturen wij allennig maar naor streeктаolambassadeurs. Zij maggen zölf bepalen of ze dat met heur vrijwilligers delen willen.

Ik heb ok zien dat der veul boeken uitgeven binnen, kunnen wij een deuze vol kedogies an de gemiente geven? Hef dat nog te maken met welke gemienten subsidie verstrekken?

Renate: Klopt, dat hef te maken met of de gemeente subsidie gef of niet. We willen wel meer doen richting de gemientes, veural nou daw ok neie gemienteraoden kriegten. Dat is misschien een mooi moment um dit toch te doen veur allemaal. Kedogies, broescursus veur de neie raoden. We kunnen ok kieken naor gemientes die normaol niks kriegten of we toch wat metnemen kunnen.

Bertus voegt toe dat ze binnenkört gesprekken angaon met mèensen veur culturele zaken, dat zo'n kedogie dan mooi is. Renate biedt an met te gaon op gesprek. Dat lek beide een goed idee. Dat anbod geldt veur elkenien.

Veur het verzörgen van een programma is er gien vaste pries vanuut de ambassadeurs. Möt het veur iederiene hetzölfde weden?

De Huuspries is €125, maar ambassadeurs maggen zölf bepalen hoe veul ze vraogen. Dat huuft niet hetzölfde te weden.

Geert:

Kriegten wij het verslag snel?

Renate: wij streven dernaor het volgende week te sturen.

Arja:

We spreken mekaor weer in de meertmaond!

10) Ofsluting